

دائرة مخصوصه

در سعادتده باب عالی جوارنده

محل اداره :

مشرط قلم

اخطار :

مسلكمزه موافق آثار جديده مع المنونيه
قبول اولنور

درج ابدله بن آثار اعاده اولنور

ديره، فلسفه، علوم، حقوق، ادبياتده و سياستبانده و بالخاصه كرك سياسى و كرك اجتماعى و مدنى احوال و مشورده اسلاميه و ده بحث ايدر و هفته ده بر نشر از انور.

آبونه بدلى

سنه لى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرائق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قيرلهدن مقوا بورو ايله كوندريلىرسه سنوى

۲۰ غروش فضله آلنير

حسب حال

بوکون عربجه دن ترکیه یه اولمق اوزره اوچ لغت کتابی طانیورز که بونلرده قاموس ، وان قولی ، اختری دن عبارتدر .

اختری سویلدیکنه اینانیلیر برائر اولمادقدن باشقه ، ارباب لغتجه قبول ایدیلن معروف ، منتظم ، مطرد برترتیبده مالک بولونمادیغندن لسان ایله برارز الفی اولان آدم « مؤلفنک عندالله سبی مشکور اولسون » دیکله برابر ، بوتالیفه کتبخانه سنده او قدر اهمیتلی بریوریرمز . بزده ایلاک باصمه اثر اولان وان قولی یه کلنجه اختریدن چوق ایی ایهده قاموسک یاننده طبیعی وارلق دعواسنده بولونه ماز .

اوحالده بوکون عربجه او کریمک ایستین عثمانیلر ایچون قاموسدن باشقه لغت کتابی یوق دیه بیلر جکرز .

قاموسک اصلی حقنده سوز سویله مک بزم ایچون یک بویوک تربیه سزلاک اولور . واقعا ، صوک زمانلرده کلن لغویونک انبرنجیسی اولدینی سوز کوتورسه بیلر هر حالده انبرنجیلرندن بولوندینی اجماع امتله ثابت اولان احمد فارس افندی مرحوم اوشهور اثرنده ، فیروز آبادی بی صیغه یه چکمکده قاموسک برچوق ماده لرینی دیدیکله مکده ایهده مرحومک قوللاندینی آغزی بزمده قوللانیله قاقیشماز ، عینیلر شعر نامنه اوچ قایا باشی کوله یین برزو الینک ؛ کال بکدن بحث ایدرکن : « اونک ادبیات حاضره حضورنده برموقی اوله ماز ! » دیمسه بکررکه بز بویله برشاهتدن صون صمدانی یه صیغینیرز !

عاصم افندی مرحوم فیروز آبادینک اثرینی لسانزه نقل ایتدیکی ایچون نه قدر تجیل اولسه ینه آزدرد . حتی مترجمک بو خدمتی ، بوهمتی مؤلفک کندن دها بویوکدر دیرسه ک افراط ایتش اولماز . اوت عربجه کی واسع ، خصوصیه ایشلنمش ، قواعدی انبرنجی نقطه لرینه قرر ضبط ایدلمش برلساندن کیتی ذهنه طور غونلق ویره جک کله لرینی بزم ترکیه یه نقل ایتک باشقه برابا بیکیتمک کاری اولماسه کر کدر .

مؤلف عربجه برکله بی آلمش ، عربجه ، ایضاح ایتش ؛ مترجم اوکله نک تام مقابلی بولش . ایکسی آردسنده کی فرقی بولمق ایچون دوشونمک بیلر ایسته مز .

لکن عجیبا بوکون ایچون قاموس ترجمه سی بزه کافی میدر ؟ عربک ادبیات قدیمه سنی ، آثار قدیمه سنی اوقورکن تصادف ایده جکمز کله لرک یک چوغنی قاموسده بولورز . فقط بالفرض بوکون مصرده چیقان یکی کتابلرده ، یکی غزته لرده بریغین محدث ، مولد کلات وار . اونلرک نه اولدیغنی ده قاموس بزه کوستره بیلیرمی ؟ طبیعی کوستره مز . دیمک المزده کی قاموس ترجمه سندن هیچ برزمان مستغنی اولماق ، اوندن هر زمان ایچون استفاده ایتمکله برابر بوکون عربجه دن ترکیه یه یکی برلفت کتابه محتاجز .


معارف نظارتجه لسان عربک مکتبلرده جدی ، عملی بر صورتده تدریسه قرار ویرلیدیکی بیلدیکمز ایچون آریجه بویله بر نیازه حاجت

کورمیورز . بزم بوراده سویلیه جکمز سوز نظارتک بویله بر اثر تالیفنی مسابقه یه قویمسیدر .

انجق مسابقه چکنلرده ده عرض ایتدیکمز وجهله اولمیدر . یعنی نظارت : « بزه عربجه دن ترکیه یه برلفت کتابی لازم . هجی بالفرض بیک یاخود بیک بش یوز صحیفه بی کیمیه جک کیم طالب اولیور ؟ » دیملی . صو کره ارباب مراجعته اوچ بش ماده ویره رک ایستدیکمکر مأخذ مراجعت ایتک شرطیه شوماده لری مشتقاتیه برابر ایضاح ایدک ؛ کتابک نهایت شوقدر صحیفه دن فضله اولمایه جغنی ده دوشونک » تسکلیفنده بولونمالی .

بوتکلیفی انک موافق بر صورتده کیم اسماعف ایدرسه آرتق ینه نظارتجه تعیین ایدیلر جک پروغرام داخلنده اولمق شرطیه اثر او آدمه یازدیر یایر .

محمد عاکف



اسلامیتک ظهور و ترقیسی

و
مبات حضرت محمد

مترجمی
ماریتی زاده عارف

مؤلفی
دروغور ایستابی

مابعد

اساس نصرانیته مخالف اولدینی حالده اول اثناده کنیسالرده جاری اولان اصول و آیین پت برستلرک استماله قلوبی ایچون نظر مسامحه ایله کورلمش و بوبابده کی عادات و ثنیه یه قارشى تسامحی ایله مشهور اولان حواری (بولص) دخی اغماض عین ایلکده بولنمشیدی . نصرانیتده عبادت و ثنیه دن قاله یک چوق قواعد و عادات جاری اولدینی کی تفال و تشام کی برچوق عقائد دخی حکمفرمادر . کنیسا اداره لری کنیسانک شکل داخلیسی و اتخاذا ایلدیکی اصول آیین ایله مهما امکان تخانه لره بکز تدیرلمش و مراسم عبادتک عادات و ثنیه یه توفیقنه جالیشامش ایدی . کنیسا و راهلردن هر برینک اعزّه نصارادن بریسنه نسبت ایدلمسی خصوصی پت برستلرک هر تخانه و هر برکاهنی بر صنمه نسبت ایتلری قاعده سندن مأخوذ اولمسی دخی محتملدر . کنیسالرده جاری اولان مراتب رهبان و مجالس روحانیه دخی رومالورده جاری اولان مراتب شریفات ایله مجالس عمومیّه مبعوثان و اعیانه مشاهددر . بوقیل قواعد و اصول ، تشریفاتک هر حالده حواریون زمانلرده جاری اولمادیغنه امینز . زیرا یهودیلر خارجدن احبار قبول ایتدیکلری کی کی احبار موجوده لری دخی اهلینک کنیدیلرندن انتخاب ایلدیکلری اشخاص ایدی . یهودیلرک یونانستانده ، بابلده ، مصرده ، بیت المقدسده سلطنت و شوکتلری حکمفرما اولدینی و یهودیلردن برمیچک ظهور ایده رک کنیدیلرینه حکمدار اوله جغنی اعتقاد ایلدیکی زمانلرده پت